

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA KUMI NA MOJA**

**KIKAO CHA ISHIRINI NA NNE**

**08 MEI, 2018**



# ORODHA YA SHUGHULI ZA LEO

## MKUTANO WA KUMI NA MOJA

KIKAO CHA ISHIRINI NA NNE – TAREHE 08 MEI, 2018

I. DUA:

II. MASWALI:

OFISI YA RAIS (TAMISEMI):

197. MHESHIMIWA RASHID AJALI AKBAR  
(NEWALA VIJIJINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Je, Serikali ina mpango gani wa kuipatia Hospitali ya Wilaya ya Newala Watumishi pamoja na Vifaa Tiba.

WIZARA YA MAMBO YA NDANI YA NCHI:

198. MHESHIMIWA ALEX RAPHAEL GASHAZA  
(NGARA):

Atamuuliza Mheshimiwa Waziri wa Mambo ya Ndani ya Nchi:- Kwa muda mrefu kumekuwepo na tatizo kubwa la hali ya usalama katika Jimbo

la Ngara tangu mwaka 1993 kutokana na kuwa mpakani mwa nchi za Rwanda na Burundi ambapo kuna mwingiliano mkubwa wa wageni/wahamiaji haramu kutoka nchi hizo:-

- (a) Je, ni lini Serikali itaanzisha Kanda Maalum ya Kipolisi katika Wilaya ya Ngara ili kudhibiti hali ya Usalama;
- (b) Je, ni lini Serikali itajenga Vituo vya Polisi katika Kata za Mabawe, Magunza, Kirushya, Matobeye, Mbuba na Nyakisasa;
- (c) Kwa kuwa Jeshi la Polisi Wilayani Ngara lina gari moja tu ililoazima na jingine bovubovu; Je, ni lini Serikali itatupatia angalau magari mawili, moja kwa ajili ya Tarafa ya Rulenge na la pili kwa ajili ya Tarafa ya Murusagamba.

**WIZARA YA ULINZI NA JESHI LA KUJENGA TAIFA:**

**199. MHESHIMIWA COSATO DAVID CHUMI (MAFINGA MJINI):**

Atamuuliza Mheshimiwa Waziri wa Ulinzi na Jeshi la Kujenga Taifa:- Je, ni lini Serikali italeta mabadiliko katika Sheria inayosimamia malipo

ya fidia kwa Askari anayejeruhiwa au kupoteza maisha akiwa anatekeleza majukumu ya kulinda usalama ndani au nje ya nchi kwenye vyombo vya UN au SADC Mission ili kuendana na mabadiliko ya kupanda kwa gharama za maisha.

**WIZARA YA UJENZI, UCHUKUZI NA MAWASILIANO:**

**200. MHESHIMIWA ANNE KILANGO MALECELA (KUTEULIWA):**

Atamuuliza Mheshimiwa Waziri wa Ujenzi, Uchukuzi na Mawasiliano:- Mfuko wa Pensheni wa Serikali za Mitaa (LAPF) umemuunga mkono Rais wa Jamhuri ya Muungano wa Tanzania kwa kuamua kukiboresha Kiwanda cha Tangawizi cha Mamba Miamba kilichoko Wilaya ya Same katika Jimbo la Same Mashariki:-

Je, Serikali haioni kuwa kuna umuhimu sasa kuboresha barabara zinazoelekea Mamba Miamba Kiwandani.



**201. MHESHIMIWA MAFTAHA ABDALLAH NACHUMA (MTWARA MJINI):**

Atamuuliza Mheshimiwa Waziri wa Ujenzi, Uchukuzi na Mawasiliano:-

Je, Kwa nini Serikali haitaki kukarabati Uwanja wa Ndege Mtwara.

**WIZARA YA MALIASILI NA UTALII:**

**202. MHESHIMIWA ANNA JORAM GIDARYA (VITI MAALUM):**

Atamuuliza Mheshimiwa Waziri wa Maliasili na Utalii:- Mkoa wa Manyara ni moja kati ya maeneo yanayokabiliwa na changamoto ya migogoro ya ardhi kati ya Wananchi wa Babati Vijijini hasa katika Vijiji vya Amayango, Gedamara na Hifadhi ya Tarangire kwa takriban miaka 11 sasa bila ufumbuzi wowote; Migogoro hiyo imesababisha Wananchi kukosa elimu, afya na uchumi kushuka ambapo majengo ya Jamii yaliyopo ni Madarasa 4, Bweni 1, Matundu 13 ya vyoo vya Shule na Jengo la Zahanati na majengo haya yote yamejengwa kwa nguvu za Wananchi:-

(a) Je, Serikali ina mkakati gani wa kumaliza migogoro hiyo iliyodumu kwa muda mrefu

na kurudisha maeneo ya Wananchi yaliyochukuliwa na Hifadhi;

- (b) Endapo itabainika mipaka kati ya Vijiji na Hifadhi iliyoonyeshwa kwenye ramani ni batili, Je, Serikali husika iko tayari kuwalipa fidia Wananchi wote walioathirika na migogoro hiyo kwa muda wa miaka 11.

**WIZARA YA MADINI:**

**203. MHESHIMIWA MUSUKUMA JOSEPH KASHEKU (GEITA VIJIJINI):**

Atamuuliza Mheshimiwa Waziri wa Madini:- Je, ni lini Mgodhi wa GGM utawasilisha bajeti yake ya kuhudumia jamii katika Baraza la Madiwani la Geita ili tuweze kuangalia kipaumbele chao na kuwapa vipaumbele vya Halmashauri ya Geita.

**WIZARA YA VIWANDA, BIASHARA NA UWEKEZAJI:**

**204. MHESHIMIWA MARTHA JACHI UMBULLA (VITI MAALUM):**

Atamuuliza Mheshimiwa Waziri wa Viwanda, Biashara na Uwekezaji:- Mazao ya Pareto na

Vitunguu saumu yanalimwa katika Wilaya ya Mbulu na yana thamani na faida kubwa kwa Wananchi:-

Je, Serikali itakubaliana nami kuwa kuna haja ya kuanzisha Viwanda vya kusindika Mazao haya Wilayani Mbulu ili kuhamasisha kilimo cha Mazao haya.

**205. MHESHIMIWA JAKU HASHIM AYOUB (B.L.W.):**

Atamuuliza Mheshimiwa Waziri wa Viwanda, Biashara na Uwekezaji:- Pamoja na kuwepo Viwanda vingi vya Sukari hapa nchini bado kumekuwa na uhaba mkubwa wa bidhaa hiyo hususan kwa upande wa Tanzania Bara; Mfano bei ya mfuko wa kilo 50 ni shilingi 65,000/= kwa upande wa Zanzibar ambako kuna kiwanda kimoja tu cha sukari, lakini kwa Tanzania Bara mfuko huo wa kilo 50 huuzwa shilingi 120,000/=-

(a) Je, kuna tatizo gani linalofanya Sukari iiuzwe bei ya juu kiasi hicho kwa upande wa Tanzania Bara;

(b) Je, Serikali itachukua hatua gani ili kuweza kuwapatia Wananchi unafuu katika upatikanaji wa bidhaa hiyo;



(c) Kwa upande wa Zanzibar katika kipindi ambacho matumizi ya sukari kwa Wananchi yanaongezeka mfano, mwezi wa Ramadhani, Serikali inashusha ushuru wa kuingiza sukari nchini; Je, kwa nini Serikali ya Muungano isizingatie utaratibu huu mzuri ili kuleta unafuu kwa Tanzania Bara.

**WIZARA YA ELIMU, SAYANSI NA TEKNOLOJIA:**

**206. MHESHIMIWA SUSAN ANSELM JEROME LYIMO (VITI MAALUM):**

Atamuuliza Mheshimiwa Waziri wa Elimu, Sayansi na Teknolojia:- Mwaka 2017 lilitolewa tamko la kukataza Watoto wa Shule wanaopata mimba kwa sababu yoyote ile kutoendelea na masomo:-

Je, kwa katazo hilo, Serikali imejipangaje kuhakikisha kuwa zile sababu zilizo nje ya uwezo wa Wanafunzi kuhimili zinapatiwa ufumbuzi haraka.



**III. HOJA ZA SERIKALI:**

**WAZIRI WA MAJI NA UMWAGILIAJI:**

Kwamba, Bunge sasa likubali kupitisha Makadirio ya Mapato na Matumizi ya Wizara ya Maji na Umwagiliaji kwa Mwaka wa Fedha 2018/2019.

*(Majadiliano yanaendelea)*

**DODOMA  
08 MEI, 2018**

**S. KAGAIGAI  
KATIBU WA BUNGE**

